

Iustum et tenacem propositi virum  
non civium ardor prava iubentium,  
non uultus instantis tyranni  
mente quatit solida neque Auster,

dux inquieti turbidus Hadriae,                    5  
nec fulminantis magna manus Iouis:  
si fractus illabatur orbis,  
inpavidum ferient ruinae.

Hac arte Pollux et vagus Hercules  
enisus arces attingit igneas,                    10  
quos inter Augustus recumbens  
purpureo bibet ore nectar;

hac te merentem, Bacche pater, tuae  
uexere tigres indocili iugum  
collo trahentes; hac Quirinus  
Martis equis Acheronta fugit,                    15

gratum elocuta consiliantibus  
Ionone divis: 'Ilion, Ilion  
fatalis incestusque iudex  
et mulier peregrina uertit                    20

in pulverem, ex quo destituit (+Abl.: *hier*: “betrügen um”) deos  
mercede pacta Laomedon, mihi  
castaeque damnatum Minervae  
cum populo et duce fraudulento.

---

Quem tu, Melpomene, semel  
    nascentem placido lumine uideris,  
illum non labor Isthmius  
    clarabit pugilem, non equus impiger

curru ducet Achaico 5  
    uictorem, neque res bellica Deliis  
ornatum foliis ducem,  
    quod regum tumidas contuderit minas,

ostendet Capitolio;  
    sed quae Tibur aquae fertile praefluunt 10  
et spissae nemorum comae  
    fingent Aeolio carmine nobilem.